

四庫全書

子部

欽定四庫全書

全芳備祖後集卷一

宋 陳景沂 撰

果部

荔枝

附龍眼

事實祖

碎錄

荔枝樹高五六丈大如桂樹綠葉蓬蓬冬夏榮茂青華
朱實大如雞子核黃黑似熟蓮子肉白如肪甘而多汁

似安石榴有酸甜者夏至將中翕然俱赤則可食也一

樹下子百斛

廣志

荔枝性熱有人日噉千顆未嘗作疾即

少熱以蜜漿解之最忌麝香或過之花實俱落盡

民間以鹽梅漬浸佛桑花為紅醬漿荔枝漬乾曝之色

紅而甘酸可三四年不蛀

荔枝譜

核之細者謂之焦核荔

枝之最珍者也

廣志

李直方常第果品以綠李為首楊梨

為副櫻桃為三柑子為四蒲桃為五或曰若論為首當

用荔枝

國史補道

龍眼一名比目一名並智

本草

葉似荔枝質味殊絕純甜

無酸可敵荔枝

廣志

龍眼樹如荔枝但枝葉稍小殼青黃

色形如彈子核如木椀子而不堅肉白而帶漿其甘如

蜜五六十顆作一穗如蒲桃然荔枝過即龍眼熟故號

曰荔枝奴

草木記

紀要

漢武破南粵於上林苑中起扶荔宮以植所得龍眼荔枝
菖蒲皆百餘本土產南北異宜時多有枯悴者荔枝

自交趾移植於庭者無一生焉猶移而不息偶一株稍

茂終無華實

三輔黃圖

漢永元間嶺南獻生荔枝十里一置

五里一堠晝夜傳送唐堯上書以謂上不以滋味為德

下不以貢饈為功竊見交趾七郡獻生荔枝龍眼等南

州土地炎熱惡蟲猛獸不絕於道至於觸犯死亡之患

然此二物升殿未必延年益壽詔勅大官勿復受獻

本紀

漢單于來朝賜橙橘龍眼荔枝

東觀漢記

魏文帝詔曰南方

有龍眼荔枝西國有蒲桃石蜜果之珍異者令歲貢焉

史魏

唐玄宗正月十五夜於殿中撒出闔中紅錦荔枝令

宮人拾之

開元遺事

明皇令方士以藥傳荔枝根得核小宮

人呼為丁香子

同上

貴妃生日長生殿新曲未有名會南

海進荔枝至因名荔枝香

外傳

唐天寶中取涪州荔枝自

子午谷路進入

蜀志

貴妃嗜生荔枝每歲飛騎馳進七日

七夜至京人馬多斃于路百姓苦之

本傳

楊妃生于蜀好

荔枝南海荔枝勝蜀者故每歲飛馳以進然方暑而熟

經宿輒敗

唐書

白樂天在惠州為荔枝圖寄朝士劉崇姻

舊或干以財率不答但畫荔枝圖與之

杜陽編

本朝故相

陳文惠公祠堂下有手植荔枝郡人謂之將軍樹

坡詩注

雜著

荔枝生巴蜀間形狀團團如帷蓋葉如冬青花如橘春
榮實如丹夏熟朶如蒲桃核如枇杷殼如紅繒膜如紫
綃瓢肉潔白如冰雪漿滋甘如醴酪大略如彼其實過
之若離本枝一日而色變二日而香變三日而味變四
五日外色香味盡去矣元和十五年夏南賓守樂天命

工圖而書之蓋為不識者與識而不及一二者設云

白樂

天荔枝
國序

荔枝之於天下惟閩粵南粵巴蜀有之漢初南

粵王尉佗以之備方物於是始通中國司馬相如賦上
林云荅還離支蓋夸言無有是也東京交趾七郡貢生
荔枝十里一置五里一堠晝夜奔騰有毒蟲猛獸之害

臨武長唐羌上書言狀詔大官省之魏文帝有西域蒲
桃之比世譏其謬論豈當時南北斷隔所擬出於傳聞
耶唐天寶中妃子尤愛嗜涪州歲命驛致時之詞人多

所稱詠張九齡賦之以託意白居易刺忠州既形于詩圖而序之雖彷彿顏色而甘滋之勝莫能著也洛陽取於嶺南長安來於巴蜀雖曰鮮獻而傳置之速腐爛之餘色香味之存者無幾矣是生荔枝中國未始見之也九齡居易雖見新實驗今之廣南州即與夔梓之間所出大率早熟肌肉薄而味甘酸其精好者僅比東閩之下等是二人者亦未遇真荔枝也閩中惟四郡有之福州最多而興化軍最為奇特泉漳時亦知名列品雖高

而寂寥無紀將尤異之物昔所未有乎蓋亦有之而未
始遇乎人也予家莆陽再臨泉福二郡十年往還道由
鄉國每歲得其尤者命工寫生彙集既多因而題目以
為倡始夫以一木之實生于海濱之險地遠而能名徹
上京外被夷狄重于當世是亦有足貴者其于果品卓
然第一然性最畏寒不堪移植而又道里遼絕曾不得
班盧橘江橙之右少發華彩此所以為之嘆息而不可
不傳述也

第一編

興化軍風俗園池勝處惟種荔枝當其

熟時雖有他果不復見省大重陳紫富室大家歲或不
嘗雖別品千計不為滿意陳氏欲採摘之先閉戶隔牆
入錢度錢與之得者自以為幸不敢較其直之多少也
今列陳紫之所長以例衆品其樹晚熟其實廣上而圓
下大可徑寸有五分香氣清遠色澤鮮紫殼薄而平瓢
厚而瑩膜如桃花紅核如丁香母剝之凝如水晶食之
消如絳雪其味之至不可得而狀也荔枝以甘為味雖
百千株莫有同者過甘與淡失味之中惟陳紫之於色

香味自拔其類此所以為天下第一也凡荔枝皮膜形色一有類陳紫則以為中品若夫厚皮尖刺肌理黃色附核而赤食之有查食已而澁雖無酢味亦自下等矣

第二篇

福州種植最多延施原野洪塘水西尤其盛處一

家之有至於萬株城中當州署之北鬱為林麓暑雨初霽晚日照耀絳囊翠葉鮮妍蔽映數里之間焜若星火非名畫之可傳而精思之可入也觀覽之勝無以為比初著花時商人計林估之以立券若後豐寡商人知之

不計美惡悉為紅鹽

古聲

者水陸浮轉以入京師外至北

戎西夏其東南舟行新羅日本琉球大食之屬莫不愛

好重利以醕之故商人販益廣而鄉人種益多一歲之

出不知幾千萬億而鄉人得飫食者蓋鮮以其斷林鬻

之也品目摠三十有二惟江家綠為州之第一

第三篇

蔡君

謨荔枝譜論

江家綠

陳紫

興化

方家紅

游家紫

小陳紫

宋公荔

藍家紅

周家紅

興化

何家紅

漳州

法石白

泉州

綠核

圓丁香

虎皮

牛心

玳瑁紅

硫黃

朱柿

福州

蒲桃

蚶殼

龍牙

水荔枝

蜜荔枝

丁香荔

大丁香

雙髻

真珠

十八娘

將軍荔

釵頭顚

粉紅

中元紅

火山

本出
廣南

以上計三十二品言姓氏尤其著言州郡記所出也不
言姓氏州郡四郡皆或有之

牡丹花之絕而無其實荔枝果之絕而無花昔樂天有
感於二物矣然斯二者惟不兼萬物之美故各得其精
造化之理宜如此也余少游洛陽花之盛處也因為牡
丹作譜君謨閩人也故能識荔枝而譜之因念昔人嘗
有感二物而二人者適各得其一之詳故書其所以然

而附於君謨之譜末

歐陽公
諸後論

莆田荔之名品皆出天成

雖以其核種之終與其本不相類宋香之後無宋香所
存者孫枝耳陳紫之後無陳紫過牆則為小陳紫矣筆
談謂之焦核荔枝令分生旁枝其核自小里人謂不然
此果形狀變態百出不可以理求或似龍牙或似鳳爪
釵頭之可簪綠珠之旁綴是豈人力所能加哉初方氏
有樹結實數千顆故重其名以二百顆送蔡忠惠公給
以常歲所產止此公為目之曰方家紅著之於譜印證

其妄自後花實雖極繁茂逮至成熟所存者未嘗越三百遂成語讖此段已載遜齋閒覽中郡中黃處權復志其詳如此

容齋隨筆

君謨譜所論名目三十有二已詳矣間

有不諭或論未備及有遺者今論於後

蕙團 傳玄云雙髻小荔枝也每朵數十皆並蒂雙

垂

真珠 圓如白珠無核

蒲桃 一穗之實至三百顆纍纍然

火山

本出南越今閩中僅有之

丁香

核如丁香出福州天慶觀

十八娘

閩王審知有女弟好食因此得名其女塚在

福州城東報恩院塚旁有此樹

方家紅

最大者出興化軍尚書屯田郎中方氏家

狀元紅

最晚者

藍家紅

出泉州亦第一出尚書都官員外郎家

周家紅

第一陳紫于方家紅為次

玳瑁紅 出福州色紅而點黑

游家紫 出興化軍

陳家紫 出興化軍著作郎陳綺家為第二也

小陳紫 出興化軍

江綠 出福州為第一

綠核 出福州

疏黃 出福州

法石白 出泉州法石院色青白

圓丁香

如丁香而圓

釵頭

顆紅而小可施于釵頭

朱柿

色如朱柿

牛心

狀如之

虎皮

色紅而青斑如虎皮出福州

龍牙

彎曲如爪牙而無瓢核出興化軍

雖受氣於震方實稟精於離火 紫紋紺理黛葉緗枝

綠穗靡靡青英苾苾不豐其花但旨其實

張九齡賦

綠葉

雲舒朱實星映

孔稚圭啟

灼灼若朝霞之映日離離如繁星

之麗天

王逸賦

荔子丹芳蕉黃雜肴蔬芳進侯堂

羅池廟碑

南海出荔枝焉每至季夏其實乃熟狀甚瓌瑰味特甘
滋百草之中無一可比余往在西掖嘗盛稱之諸公莫
之知固未之信惟舍人彭城劉侯弱年累遷經於南海
一聞斯談倍復嘉嘆以為甘美之極也又謂龍眼凡果
而與荔枝齊名魏文帝方引蒲萄及龍眼相比是時二
方不通傳聞之大謬也每相顧閒議欲為賦述世務卒

卒此志莫就及理部暇日追敘往心夫物以不知為輕
味以無味而疑遠不可驗終焉永屈況士有未效之用
而身在無譽之間苟無深知與彼亦何以異也因導揚
其實遂作此賦云

果之美者厥有荔枝雖受氣於震方實秉精於離火叶
乃作酸於此裔爰負陽以從宜蒙休和之所播涉寒暑
而匪虧下合圍以擢屏旁蔭畝而抱規紫文紺理黛葉
紺枝蒨茸霍霽環合棼纚如蓋之張如帷之垂雲烟沃

若孔翠於斯靈根所盤不高不卑陋下澤之沮洳惡層
崖之險巖彼前志之或妄何側生之見疵爾其勾芒在
辰凱風入律肇氣含滋芬敷謐溢綠穗靡靡青英苾苾
不豐其花但旨其實如有意乎端本故微文而顯質蒂
葯房而粹萃皮龍鱗以駢比叶膚玉英而含澤色江萍
以吐日朱芑剖明璫出回然數十猶不可匹未玉齒而
殆銷雖瓊漿之可軼彼衆味而有五惟甘旨之不一伊
醇淑之無算非精言之可悉聞者嘆而悚企見者訝而

驚乞心恚可以蠲忿口爽可以忘疾且欲神於醴露何
比數於甘橘援蒲萄以見擬亦古人之深失若乃華軒
洞開嘉賓四會時當燈燠客或煩憤而斯果在焉莫不
心侈而體泰信瑯盤之仙液實玳瑁之綺緒有終食於
累百愈益氣而理內故無厭於所甘雖不貪而必愛沉
美李而莫取浮甘瓜而自退豈一座之所榮冠四時而
為最夫其貴可以薦宗廟珍可以羞王公亭十里芳莫
致門九重芳曷通山五嶠芳白雲江千里芳青楓何斯

美之獨遠嗟爾命之不逢每被銷於凡口罕獲知於貴
躬梯何稱乎梁侯梨何幸乎張公亦因地之所遇孰能
辨乎其中哉

龍眼

事實祖

雜著

左思蜀都賦邛竹緣嶺園桂臨岨旁挺龍目側生荔枝
布綠葉之萋萋結朱實之離離張九齡賦荔枝云雖觀

上國之光而被側生之誚杜老亦云側生野岼及江浦

不熟丹宮滿玉壺雲壑布衣鮐背死

蓋指臨武長唐羌

勞人害

馬翠眉須也龍眼惟閩中及南越有之太沖自言十年作賦三都所有皆言土物之宜至於言龍眼亦不自知

其失也

山谷詩注

賦詠祖

五言散句

輕紅擘荔枝

少陵

蠻果擘焦荔

山谷

一色鮮猩血

程金紫

有龍會著眼

白氏集

憶昔南海使奔騰獻荔枝

少陵

莆陽荔子乾皺殼紅釘密

聖俞

荔子幾時熟花頭今正繁

東坡

新來嘗小綠又勝擘輕紅

石屏

獨使皺皮生弄色映琯俎

東坡

七言散句

牆頭荔子已爛斑

程金紫

映我綠衫渾不見對公銀印最爲鮮

香山香

香連翠葉真堪畫紅透青籠實可憐

摘來正帶凌晨露寄出須憑下水船

十年結子知誰在自向中庭種荔支

側生野岸及江浦不熟丹宮滿玉壺

少陵

二京曾見畫圖中數本芳菲色不同

鄭谷

葉似楊梅蒸霧雨花如盧橘傲風霜

東坡

天與蹙羅裝寶髻更拖猩血染殷紅

山谷

贈我甘酸三百顆稍知身作近南宮

五月照江鴨頭綠六月連山柘枝紅

荔子凝丹摘晚鮮江南來路無雲連

君謨

京華百卉爭鮮貴自是芳根著海濱

子由

絳衣仙子過中元別葉辭枝去不還

托根曾是三山下結實應歸萬木先

南賓佳實傳名久曾憶巴山寄楚人

劉原父

水晶肉白殼皮紅色變香移味不同

張元啓

春甌水動茶花白落日雲生荔子紅

晁沖之

嶺南荔子豈今年必有人知姑射仙

海山珠樹玉爛斑擬擘炎雲覲玉顏

王右丞

紅錦皺縫包玉液青綃絆剪襯金丸

汪內翰

綠幄紫籠文殼皺絳囊已就寸珠圓

程金紫

味重帶新馳驛貢花旗難老隔年芳

文園渴疾正如醒誰念流涎向側生

曾文昭

蘭蕙香浮衿解後雪冰膚在酒酣間

紅消白瘦香猶在想見當年十八娘

蘇子由

白蓮近結三千女丹荔遐招十八娘

周文忠

水精透幙輕含液絳殼離包未變香

朱待制

甘露落來雞子大曉風凍作水精團

蘇齋

西川紅錦無此色南海綠羅猶帶酸

臨水釀妝新雨後出牆背向曉風西

側生海畔遠難將風日尤能變色漿

劉後村

五言古詩

南州積炎德嘉樹凌冬綠薰風海上來丹荔逾夏熟煌煌錦繡林亭亭翡翠屋鵲頭爛晨霞天酒瑩寒玉流聲感中華採掇如不足開元百馬死漢堠五里促君王玉食間此薦知不辱迨今糟粕餘猶足驚凡目憶初成上林四方會奇木使臣得安榴天馬來首霜拔茅自幽遐托地幸滲漉我欲咎真宰喟茲限荒服將非名實雄百果為羞縮區區化工意聊尔存衆族

劉貢父

龍眼與荔枝異出同父祖端如柑與橘未易相可否異

哉西海濱琪樹羅玄圃縈縈似桃李一似流膏乳坐疑
星隕空又似珠還浦圖經未嘗說玉食遠莫數獨使皺
皮生弄色映凋俎蠻荒非汝辱幸免妃子污

東坡

五言古詩散聯

叔師貴其珍武仲稱其美良由自遠致含滋不留齒

梁劉

齊

平昔誰相愛驪山過貴妃枉教生處遠愁絕摘來稀

鄭谷

五言排律

奇物標南土芳林對北堂素華春漠漠丹實夏煌煌葉
捧低垂戶枝擎重壓牆始因風弄色漸與日爭光夕訝
條懸火朝疑樹點妝深於紅躑躅大較白檳榔星綴連
心朶珠排耀眼芳紫羅裁襯穀白玉裏填囊早歲曾聞
說今朝始摘嘗嚼疑天上味嗅異世間香潤勝蓮生水
鮮逾橘得霜燕支掌中顥甘露舌頭漿物少猶珍重天
高若渺茫已教生暑月又使阻遐方粹液靈難駐妍姿
嫩易傷近南光景熱向北路遙長不得充王賦無由寄

帝鄉惟君堪擲贈面白似潘郎

香山

五月南遊渴欣逢荔子丹殼勻仙鶴頂肉露白晶丸色
映離為火甘殊木作酸枝繁恐相染樹重欲成團赤蚌
遺珠顆紅犀露角端爽能消內熱潤可濯中乾桂嶺無
霜處梅天暴雨殘一簇冰蠶繭千芭火鳳冠隔瓢銀葉
嫩透膜玉漿寒

陶粥

五言八句

附散
聯

丞相祠堂下將軍大樹旁炎雲駢火實瑞露酌天漿爛

紫垂先熟高紅挂遠揚分甘徧鈴下也到黑衣郎

東坡

櫻桃真小子龍眼是凡姿橄欖為下輩枇杷容作兒

陳從

易

火齊驪龍脫紅綃玉露團謫居深不負沉醉亦何難

張芸

史

七言古詩

十里一置飛塵灰五里一堠兵火催顛坑仆谷相枕藉
知是荔枝龍眼來飛車跨山鵲橫海風枝露葉如新採

宮中美人一破顏驚塵濺血流千載永元荔枝來交州
天寶歲貢取之涪至今欲食林甫肉無人舉觴酬伯游
我願天公憐赤子莫生尤物為瘡痂雨順風調百穀登
民不飢寒為上瑞君不見武夷溪邊粟粒芽前丁後蔡
相寵加爭新買寵各出意年年鬪品充官茶吾君所乏
豈此物致養口體何陋耶洛陽相君忠孝家可憐亦進

姚黃花

東坡

南村諸楊北村盧

楊梅盧
橘也

白華青葉冬不枯垂黃綴紫

烟雨裏特與荔枝為先驅海山仙人絳羅襦紅紗中單
白玉膚不須更待妃子笑風骨自是傾城姝不知天公
有意無遣此尤物生海隅雲山得伴松檜老霜雪自困
楂梨粗先生洗醖酌桂醕冰盤薦此顙虬珠似開江瑤
斫玉柱更洗河豚烹腹腴我生涉世本為口一官久已
輕蓴鱸人間何者非夢幻南來萬里真良圖

東坡

炎精孕秀多靈植荔子佳名聞自昔絳囊剖雪出瑊盤
尋常百果無顏色閩天六月雨初晴星火熒煌耀川澤

歛如彩鳳戲翱翔爛若彤雲堆翕赫中郎裁品三十二
陳紫方紅冠儔匹鹽蒸蜜漬尚絕倫啄瓊空羨南飛翼
我聞政和全盛時貢輸不減開元日涪州距雍已云遠
況此奔馳來海側繡衣使者動輜車黃紙封林徧阡陌
浮航走轍空四郊妙品人間無復得上方供給只纖毫
往往盡入公侯宅驪山廢苑狐兔靜艮岳新宮輦鼓急
繁華今古共淒涼繞樹行吟悲野客西風刮塵戰馬昏
一聽胡笳雙淚滴

陳簡齋

粵犬吠雪非差事粵人語冰夏蟲似北人冰雪作生涯
冰雪一窖活一家帝城六月日亭午市人如炊汗如雨
賣冰一聲隔水來行人未喫心眼開甘霜甜雪如壓蔗
年年窖于南山下去年歲冰減工夫山鬼失守嬉西湖
北風一夜動地惡盡吹北冰作南雹飛來嶺外荔枝梢
絳衣朱裳紅錦包三危露珠凍寒泚火繖燒林下成水
北人藏冰天奪之却與南人消暑氣

誠齋

君欲和詩無匆匆唱首天下文章公今年荔子況倍熟

亭亭錦蓋高張空猿偷鶴啄牧童採林間殘顆猶殷紅
在昔唐家充歲貢吟諷何止杜陵翁南窮交州西蜀土
快馬馱送如飛龍絳囊冰肌初照眼玉環一笑恩光濃
惟閩以遠幸免脫一顆不到甘泉宮自從陳紫無真本
皺玉晚出尤稱雄邇來雞舌擅瑰瑋贊香諛味萬喙同
麟臺仙人稱題品天為此果開遭逢乃知微物似有數
聲價亦與時污隆列聖儉德被華戎微如淮白不敢供
奈何置驛奉私室安得木鐸觀民風山蹊谷塹物力窮

血肩踈足馳筠籠請公移此食荔嘆置在薰風殿閣中

後村

七言古詩散聯

蜀中荔枝止嘉州餘波及眉半有否稻糠宿火却霜霰

結子堪與黃金侔

子由

名園競擷絳紗色蜜漬瓊膚甘且滑北游京洛墮紅塵
箬籠白晒脯最珍

柳江六月水如湯江邊荔子紅且黃摘時須是帶枝葉

滿盤璀璨堆琳琅

七言絕句

遐方不許貢珍奇，密詔惟教進荔枝。
漢武碧桃爭得此，

枉令方朔號偷兒。

韓偓

封開玉籠雞冠蕊，葉襯金盤鶴頂鮮。
想得佳人微露齒，

翠釵先取一枝懸。

山谷

巧裁絳片裹神漿，
崖蜜天然有異香。
應似仙人金掌露，

待成冰日茜羅裳。

長安回首繡成堆山頂千門次第開一騎紅塵妃子笑

無人知是荔枝來

杜牧

憶昔瀘戎摘荔枝青楓隱映石逶迤京華應見無顏色

紅顆酸甜只自知

少陵

羅浮山下四時春盧橘楊梅次第新日啖荔枝三百顆

不妨長作嶺南人

東坡

絳殼囊收白露團未曾封植向長安昭陽殿裏纔聞得

已道佳人不耐寒

子由

玉潤冰清不受塵仙衣裁剪絳紗新千門萬戶誰曾得

只有昭陽第一人

南豐

剖見隋珠醉眼開丹砂緣手落塵埃誰能有力如黃犢
盡摘繁星始下來

厚葉纖枝雜絳裳使君分寄驛人忙彩毫封處曾留葉

筠籠開時不減香

蔡端明

一錢不值程衛尉萬事稱好司馬公白髮永無懷橘日

六年惆悵荔枝紅

山谷

今年荔子熟南風莫愁留滯太史公五月臨江鴨頭綠

六月連山柘枝紅

舞女

柘枝也

荔枝熟雖晚臨江嬌影自惱公

見李賀惱公篇

天與

蹙羅裝寶髻更拖猩血染殷紅

莆田乾荔老楊梅

荔枝名

誰在開元得見之却憶沉香亭

北畔輕紅曾照赭黃衣

郭功父三首

紅綃皮皺核丁香日曝風凝玉露漿不向海邊為逐客

長安無此荔枝嘗

暑館風沉睡眼醒荔枝新熟暗香生玉纖為剝紅綃顆
甘露初凝濕水晶

選荔過于選士難味佳能有幾登盤林家新出金釵子

合入君謨譜後看

蕭大山

絳衣搖曳綻冰肌依約華清出浴時何物雅兒驅不去

前身恐是食酥兒

李梅亭

曾入坡仙海上山清冰寒露洗高巖老天不與詩為地

却欠閩中住一番

方秋崖
二首

風枝露葉走筠籠
玉潤冰寒擘絢紅
自往胸中評史記
久聞格調略相同

荔子如今尚典型
秋林園實著嘉名
雖無潁玉南風面
却願筠籠十里行

張南軒
二首

手自封題寄故人
聊將風味赴詩情
千年尚憶唐羌疏
不污華清驛騎塵

却貢無因送上天
漫山如錦但堪憐
羅浮所產真奴隸

只為曾逢玉局仙

後村
四首

十顆千錢品最珍
北人鮎背未濡唇
若生京洛豪華土
買斷丹林肯算緡

輦轂嘗新索價高
土人素擲等弁髦
不嗔園客工偷竊
絕喜天公餉老饕

風韻能令百草低
難將盧橘鬪新奇
品題自合還詩祖
摹寫何妨覓畫師

七言八句

錦筵火齊砌金柈
五月甘漿破齒寒
南國已隨朱夏熟

北人猶指畫圖看，烟嵐不續丹櫻獻。
玉座空悲羯鼓殘，相見任誇雙蒂美。
多情莫唱水晶丸。

劉貢父

王公權家荔枝綠，廖致平家綠荔枝。
試傾一杯重碧色，快剝十顆輕紅肌。
潑醅蒲萄未足數，堆枰馬乳不同時。

誰能同此勝絕味，惟有老杜東樓詩。

山谷

代北寒螿擣韭萍，奇葩零落似晨星。
逢鹽久已成枯腊，得蜜猶疑是薄刑。
欲就左慈求拄杖，便從李白跨滄溟。
攀條與立新名字，兒女稱呼恐不經。

東坡

柳花著水作浮萍荔實周天兩歲新本自玉肌非鵲浴
至今丹殼似猩刑侍郎賦詠窮三峽妃子烟塵動四溟
莫遣詩人說功過且隨香草附騷經

東坡

時新滿座問名字別久何人寄色香葉似楊梅蒸霧雨
花如盧橘傲風霜每憐蓴菜下鹽豉肯與蒲萄壓酒漿

回首驚塵卷飛雪詩情真合與君嘗

東坡

挺秀窮荒嘆未遭昔賢吟賞著風騷縱班盧橘材非偽
不近長安價愈高烟雨萬枝遙若畫塵埃一騎笑徒勞

瑤梓此日無遺選品格妍媸敢自逃

劉屏山

炎蒸午枕夢滄浪落落星苞喜乍嘗筆下丹青千品色

釵頭風露一枝香雞冠借喻何輕許馬乳爭名固不量

值得當時妃子笑驪山千古事淒涼

屏山

一點胭脂染蒂旁忽然紅變綠衣裳紫瓊骨骼丁香瘦

白雪肌膚午暑涼掌上冰丸那忍觸尊前風味獨難忘

老饕更啖三百顆却怕甘寒凍斷腸

誠齋

幽林旁挺綠婆娑啄啞雖微奈美何香割蜜脾知韻勝

價輕魚目爲生多左思賦詠名初出玉局揄揚論豈頗

地極海南秋更暑登梓猶足洗沉痾

劉屏山
咏龍眼

七言律詩散聯

先帝貴妃今寂莫荔枝還復入長安炎方每續朱櫻獻

玉座應悲白露團

少陵

夜郎城近含春瘴杜宇巢低起暝風腸斷渝瀘霜霰薄

不教葉似灞陵紅

鄭谷

托根初不異南山十八妖嬈帶渥丹玉潤滿苞甘露浥

文綃團蹙絳紗丸便為仙苑千年果回笑幽臯九畹蘭

張无
盡

仙果移從海上山露華供夜鶴分丹朱砂芒刺羞紅果
龍目團圓避赤丸光射腰金凌寶印影回殿砌拂猗蘭

洪駒
父

樂府祖

浪淘沙

五嶺麥秋殘荔子初丹絳紗囊裏水晶丸可惜天教生

遠處不近長安 往事憶開元
妃子堪憐一從蒐散馬

鬼關只有紅塵無驛使
滿眼驪山

歐陽修

憶昔謫巴蠻
荔子親攀冰肌照
映柘枝冠日擘輕紅
三百顆一味甘寒
重入鬼門關也似
人間一雙和葉插
雲鬟
賴得不相燕
玉面同倚闌干

黃庭堅

定風波

準擬階前摘荔枝
今年歇盡去年枝
莫是春光厮料理
無比譬如瘡癰有休時
碧甃朱闌情不淺
何晚年來

枝上報絮絮雨後園林坐清影蘇醒紅棠剝盡看香肌

山谷

晚歲炎州聞荔子赤英隨墜壓蘭枝萬里未逢芳意歇
愁絕滿枰空憶去年時澗草山花光照坐春過等閒
苦李又絮絮辜負寒泉浸紅皺消瘦有人耽病損香肌

山谷

減字木蘭花

閩溪珍獻過海雲帆來似箭玉座金槃不貢奇葩四百

年輕紅軟白雅稱佳人纖手擘骨細肌香恰似當年

十八孃

東坡

南鄉子

天與畫工知賜得衣裳摠是緋年向華堂深處見憐伊
兩個心腸一片兒自小便相隨綺席歌筵不暫離苦
恨人人分拆破東西怎得成雙似舊時

東坡咏
雙荔枝

滿庭芳

青幄高張瓊枝巧綴萬顆香染紅殷絳羅衣潤疑是火

燃山白玉釵頭試簪黃金帶奇巧工鑽題評處仙家異
種分付在人間 年年輸帝里歡呼內監妝點金枰況
曾得真妃笑臉頻看炎嶺當時奏曲風流命樂府名傳
憑誰道移歸禁苑長使近天顏

西江月

名與牡丹聯譜南珍獨比江瑤閩山入貢冠前朝露葉
風枝裊裊 香玉滿苞仙液絢紅圓蹙鮫綃華清宮殿
蜀山遙一騎紅塵失笑

康伯可

醉落魄

霓裳弄月冰肌不受人間熱
分明密露枝枝結
碧樹珊瑚容易與君折
玉環舊事誰能說
迢迢驛路香風徹
故人莫恨東南別
不寄梅花千里寄紅雪

韓南
潤

浣溪紗

只說閩山錦繡圍
忽從團扇得生枝
絢紅衫子映豐肌
春綠應憐壺漏永
夜深頻見燭花飛
塵催一騎憶來

時

張于
湖

搗練子

紅粉裡絳金裳一卮仙酒艷晨粧醉溫柔別有鄉清

暑殿偶風涼雞頭擘破誤君王泣梨花春夢長

李方
舟

壺中天

素肌瑩淨隔鮫綃貼襯猩紅妝束火傘飛空鎔不透一
塊玲瓏冰玉破暑當筵褪衣剝蒂微露真珠肉中心此
子向人何太焦縮應恨舊日楊妃塵埃走徧向南閩
西蜀因入筠籠多黯澹香色精神愁蹙賴有君謨為傳

家譜不棄青黃綠到頭甜口是人都要圓熟

鄭松
憲

浣溪沙

酒拍胭脂顆顆新丹砂
燃火露精神暑天秋杪錦生春
香味已驚櫻實淡絳皮還笑荔枝皺
美人偏喜破朱唇

全芳備祖後集卷一

欽定四庫全書

全芳備祖後集卷二

宋 陳景沂 撰

果部

蓮

事實祖

碎錄

荷芙蕖也其莖曰茹其葉蓮其本密其花菡萏其實蓮
其根藕其中節節中薏爾雅節五月中生嫩脆美至秋皮

黑酌或可食或可磨以為飲輕身益氣令人强健

毛詩注

紀要

宋元嘉十八年揚州刺史王濬川治後池有兩蓮駢生

雙房分體

宋書

泰始二年嘉蓮雙葩並實合跗同莖生豫

州鯉湖

全上

馬郁為秘書監張承業以權貴任事與客宴

集陳列珍果客無敢先噉者郁食之盡承業私戒主者

他日郁至惟以乾蓮子置前郁知不可啖靴中出一小

鐵槌椎碎食之承業大笑云為公易之勿敗吾案

後唐

雜著

採淳蒨摘員質折碧皮食素實味甘滋而清美同嘉果

于橙橘

晉夏侯湛賦

龍見萌秀火中結芳

傅亮賦

綠房紫蒨

靈光

殿賦

金房綠莖

傅玄賦

賦咏祖

五言散句

池蓮折秋房

韓文公

蠶寒冰繭瘦

王琪

美物薦嘉賓剪摘助加遵

山谷

欲煩春笋手且為剝蓮蓬

綠房含青實金條垂白璫

陸筠

蓮實大如指分甘念母慈

山谷

七言散句

青房圓實齊戢戢

張籍

露冷蓮房墜粉紅

少陵

蓮子擘時須是薏

東坡

刺分玉蛹堆槃脆嚼破冰蠶饒齒涼

雲隱

綠宮袍裡素中禪
全身却作如來色

半脫蓮房露壓歌
綠荷深處有浮龜

東坡

五言古詩

蓮實大如指
分甘念母慈
共房頭戢戢
更深兄弟思
實中有芰荷拳
如小兒子令
我憶衆雛
迎門索棗李
蓮心政自苦
食苦何能甘
甘餐恐腊毒
素食則懷慚
蓮生汚泥中
不與泥相調
食蓮誰不甘
知味良獨少
吾家雙井塘
十里秋風香
安得同袍子
歸製芙蓉裳

山谷

採花莫掣葉掣葉傷蓮根食子莫棄心味苦生意存

宋謙

父

蓮房前後熟供啖不須齊肉嫩山蜂子稜深大馬蹄尚
連餘莖在深映亂荷低脆美如新採近根猶帶泥

溫公

七言絕句

城中檐上賣蓮房未抵西湖泛野航旋折荷花剝蓮子

露為風味月為香

東坡

綠玉蜂房白玉蟬折來帶露復含烟玻璃盆面冰漿底

醉嚼新蓮一百圓

蜂不禁人採蜜忙
荷花蕊裏作蜂房
不知玉蛹甘于蜜
又被詩人嚼作霜

山蜂愁雨損蜂兒
葉底安巢更倒垂
只有荷蜂不愁雨
蠟房仰卧萬花枝

蜂兒來自宛溪中
兩翅雖無宛是蟲
不是荷花窠裡蜜
方成玉蛹不成蜂

新收千百秋蓮萼
剝盡紅衣搗玉霜
不假參同成氣味

跳枝腕裡綠荷香

樂府祖

漁家傲

粉筆丹青描未得金針綵綠工難敵誰傍暗叢輕採摘
風淅淅船頭觸散雙鷗鷺夜雨染成天水質朝陽烘
出胭脂色將落又開人共惜秋氣逼盤中已見新蓮萼

晏叔原

藕

事實祖

碎錄

荷芙蕖其根藕

爾雅

荷根也一曰螢乃莖下白藕在泥中

者

說文

紀要

西王母進千年碧藕

拾遺記

有碧衣女子詠詩云藕隱玲

瓏玉

樹萱錄

賦咏祖

五言散句

秋藕折絲輕

謝朓

佳人雪藕絲

杜少陵

踏藕野池中

藕絲牽作縷

隋殷黃

茵陳春藕香

少陵

早藕凝鬆雪

楊廷秀

不知淮水濁
丹藕為誰開

五言絕句

北雪猶繁在
無絲可得飄
輕拈愁欲碎
未嚼已先消

誠齋

五言古詩

平生冰雪姿七星羅心胸豈無有絲毫上裨天子聰而
不自薦達胡為乎泥中沉痾正無賴安得君從容其子
亦可憐風味如乃翁

胡致
堂

五言律詩散聯

絲應鮫乞與珠是蚌分來拌貯冰尤潔刀侵雪易摧防
風骨外折混沌竅中開

陶
弼

翻沼龍蛇動撐船牙角張清泉浴泥滓粲齒碎冰霜

丁
謂

七言散句

紅藕香中萬點珠

溫岐

吳中白藕洛中栽

香山香

自是天姿不汙著水深泥濁奈君何

宋景文

綠芳翠滴暗相失紅藕白絲空自纏

陶弼

七言古詩

太華峰頭玉井蓮開花十丈藕如船冷比雪霜甘比蜜

一片入口沉痾痊我欲求之不憚遠青壁無路難夤緣

安得長梯上摘實下種七澤根株連

韓文公

七言絕句

荷衣芰製雪為容家住雲烟太華峰外面看來真璞玉

胸中琬出許玲瓏

誠齋

七言八句

昔過臨平邵伯時小舟就買藕尤奇如拈玉塵涼雙手
似瀉金莖嚙上池好事染紅無意思癡人蒸熟減風姿

炎州地狹陂塘少渴殺相如欠藥醫

劉後村

菱

事實祖

碎錄

菱陵也

說文

菱蕨攢柱今水中菱芰是也生水中葉浮水

上其花黃白色實有二種一四角一二角水栗也

說文

淮

漢以南凶年以菱為蔬猶以橡為資也

廣志

加籩之實菱

芡栗脯

冬食菱藕栗芡

井禮

菱芡寒暖以菱花開背日

芡花開向日也

仇池筆記

菱花以為裳芡花以為衣

楚詞注

屈

到嗜芰有疾召宗老而囑之曰祭我必以芰及祥宗老

將薦芟屈建命去之曰夫子不以私欲干國之典也

國語

孫楚論屈建曰加籩之品菱芡存焉楚多陂塘蓮芡所

生父自嗜之而祈按宰祝既毀就養無方之禮又失奉

死如生之義建何忍焉

本傳

杜厲叔事莒公自以為不見

知居海上夏食菱冬食橡栗

品氏春秋

龔遂為渤海太守勸

民蓄果實菱芡

本傳

魚弘為湘東王鎮西司馬述職西上

道中乏食緣路采菱作飯給所部

梁書

東平呂球豐財美

貌乘船至曲阿湖值風不得行泊菰際見一小女乘舟

採菱舉體皆衣荷葉因問曰汝非鬼耶衣服何至如此
女有懼色荅曰子不聞荷衣兮蕙帶條而來兮忽而逝
然有懼色迴舟理棹逡巡而去球遙射之即獲一獺向
者之船皆是蘋繁蘓藻之葉見老婦立岸側如有所候
望見船過因問曰君來不見湖中采菱女耶球荅云在
後尋射獲老獺焉或云湖中嘗有采菱女容色過人有
時至人家結好者甚衆也

幽
冥
錄

雜著

雜蘊藻而俱浮間芙蓉而外發

梁庾信啟

菱結帶芳荇含絲

沈氏賦

萍之浮與菱葉之浮相似也菱植根萍隨波

杜恕論

鳬鴨唼喋于菱芰

潘岳賦

賦咏祖

五言散句

紫菱生軟角

庾信

水果刺菱茨

少陵

採菱寒刺上

少陵

菱葉亂尋萍

昌黎

菱翻紫角刺

朶頤進菱實

子厚

隔沼連香艾

新菱剥醎紅

誠齋

轉葉香隨風舒花影凌日

陶弼

七言散句

青菱引蔓空爭角

張俞

菱透浮萍綠錦池

杜牧

江南穉女珠腕繩桂棹容與歌採菱

梁武帝

堆杆菱熟胭脂角藉蓼鱸鮮淡墨鱗

陳堯佐

雨過亂蓑堆野艇月明長笛和菱歌

蘇養直

梅雨晴時插秧鼓蘋風起處採菱歌

陸放翁

五言古詩

濁水菱葉肥清水菱葉鮮義不遊濁水志潔多苦言潮
沒具區數潦深雲夢田朝隨北風去暮逐南風還浦口
多漁家相與邀我船飯稻以終日羹蓴將永年方冬水
物窮又欲收山磬盡宜相隨從所貴無憂煎

儲光義

菱花落復合桑女罷新蠶桂棹浮星艇徘徊蓮葉南

梁簡

帝文

妾家五湖口采菱五湖側玉面不關妝雙眉本翠色

賈旭

風生紫葉聚波動紫莖開含花復含實正待佳人來

江洪

紫角菱實肥青銅菱葉老孤根未能定不及寒塘草

聖俞

七言古詩

紫菱如錦綵駕翔盪舟遊女滿中央採菱不顧馬上郎
爭多逐勝分相向時轉蘭橈破輕浪長鬟弱袂動參差
釵影釧文浮蕩漾笑語哇咬顧晚暉蓼花綠岼扣舷歸
歸來共到寺橋步野蔓繫船萍滿衣家家竹樓臨廣陌

下有連檣多估客，攜觴薦芰夜經過。
醉踏大堤相和歌。
屈平祠下流江水，月照寒波白雲起。
一曲南音此地聞。
長安北望三千里。

劉夢得

七言絕句

菱池如鏡淨無波，白點花移青角多。
時唱一聲新水調。

瞞人道是採菱歌。

香山

含機綠錦翻新葉，滿匣青銅瑩古花。
最愛晚來鷗與鷺。

宿烟翹雨便為家。

林逋

幸有江湖可避人懷珠蘊玉冷無塵何須抵死露頭角

荇葉荷花老此身

誠齋

官濠水落兩三竿正是秋初雨後天菱荇中間開一道
晚來誰過採菱船

柄似蟾蜍般樣肥葉如蝴蝶翅相差蟾蜍翹立蝶飛起
便是菱花著子時

樂府祖

鵲橋仙

連汀接渚縈蒲帶藻萬鏡香浮光滿濕烟吹霽木蘭輕
照波底紅檣翠纜 玉纖採處銀籠攜去一曲山長水
遠綠鴛雙慣貼人飛恨南浦離多夢短

張約齋

芡

芡菰
昆託附

事實祖

碎錄

一名鴈頭葉似荷而大葉上蹙皺如沸實有芒刺其實
如米可以度飢

崔豹古
今注

一名鴻頭又名鴈喙莖青刺黃

草木

南楚謂之雞頭北燕謂之葭淮泗之間謂之芡葭

楊雄

方言

茨菰一名烏芋

本草

鬼苈芍也

爾雅

王莽末南方飢饉民

庶入野澤掘鳧苈食之

漢史

賦咏祖

五言散句

鴻頭排刺芡

昌黎

平池散芡槃

水果剥菱芡

少陵

風能折芡嘴

昌黎

剥芡珠走样

山谷

剖蚌煮雞頭

七言散句

千頭剖蚌明珠熟

山谷

明珠論斗煮雞頭

菰葉風翻凍剪刀

香山

繡頸金鬚盪倒光團圓皺綠雞頭葉

飛卿

蝟毛蒼蒼磔不死銅拌蠹蠹釘頭生

聖俞

吳雞鬪罷絳幘碎海蚌捧出珍珠明

風開黃菊鐵為鬚斧砍砂磨旋出厨

陳堯佐

磨沙漉水蓴殼滑砍柱煮釜風波聲

宋景文

鼻觀溫芳炊桂歇齒根軟熟剝胎餘

誠齋

玉質欲藏如許脆鐵芒何苦太尖生

鄭安曉

五言律詩

三伏池塘沸雞頭美可烹香囊聯錦破玉指剝珠明葉

皺非蓮蓋根甘似竹萌不應徒適口炎帝亦曾名

陶弼

蟹肥螯正滿石破髓初堅節物秋風早尊疊夜月偏

子由

七言古詩

六月京師暑雨多
夜夜南風吹芡
莆凝祥池鎖會靈園
僕射荒陂安可擬
爭先園客採新苞
剖蚌得珠從海底
都城百物貴新鮮
厥價難酬與珠比
金杵磊落何所薦
滑臺潑醕如玉醴
自慚竊食萬錢厨
萬口飄浮嗟病齒
却思年少在江湖
野艇高歌芡荇裏
香新味全手自折
玉潔沙磨輒還美
一瓢固不羨五鼎
萬事適情為可喜
何時遂買潁東田
歸去結茅臨野水

芡葉初生皺如縠
南風吹開輪脫輻
紫苞青刺攢蜩毛

水面放花坡裏熟森然赤手初莫近誰料明珠藏滿腹
剖開膏液尚糝糊大盜磨聲風雨速清泉活火會未久
滿堂坐客分升掬紛然咀噍惟恐遲勢若羣雛方脫粟
東都每憶會靈沼南園陂塘積無足東遊塵土未應嫌
此物採來日常食

蘇子
由

芡盤團團開碧輪城東濠中如疊銀漢南父老舊不識
日日岼上多少人輶頭鬚鬆露初熟綠刺紅針剖寒玉
提籠當筵破紫苞老蚌一開珠可掬

文與
可

七言古詩散聯

水精冷浸碧叢玉琉璃湧出青光蠟何人采得離波瀾

劈破顥顥生光寒

王岩史

七言絕句

龍宮失曉惱江妃也養鳴雞報早暉要啄稻粱無半粒

只教滿領飽珠璣

誠齋

七言八句

江妃有訣煮真珠菰飯牛酥軟不如手擘雞頭金五色

盤傾驪頷琲千餘夜光明月供朝嚼水府靈官恐夕虛
好與藍田餐玉法編歸辟穀赤松書

誠齋
二首

三危瑞露滴成珠九轉丹砂煉不如鼻觀溫芳炊桂歇
齒根軟熟剌胎餘半漚鷹爪中秋近一炷龍涎丈室虛
却憶吾廬野塘畔滿山柿葉正堪書


樂府祖

浣溪沙

圓潔堪為席上珍銀鐙百沸麝臍薰蕭娘欲餌意中人

輕

拈處玉纖籠
蚌顆剝時瓊
齒嚼香津
仙郎入口即身



全芳備祖後集卷二

欽定四庫全書

子部

全芳備祖後集卷三

四

詳校官中書_臣竇汝翼

主事_臣祁韻士覆勘

總校官庶吉士_臣朱鈐

校對官助教_臣卜維吉

謄錄監生_臣陸潮愈

欽定四庫全書

全芳備祖後集卷三

宋 陳景沂 撰

果部

橘

附柚
枸橼

事實祖

碎錄

橘葉與枳無辨刺出于莖間夏初生白花至冬而黃熟

本草

江陵千樹橘其人與千戶侯等

貨殖傳

橘洲在長沙縣

西南四里江中時有大水洲渚皆沒此洲獨存

寰宇記 昭

潭無底橘洲浮

湘中記

璇樞星散為橘

春秋運斗樞

厥色橘柚

錫貢

注

小曰橘大曰柚

禹貢

橘踰淮而北為枳此地氣然

也

考工記

夫樹柷梨橘食之則善嗅之則香

淮南子

柚條也

爾雅

有條有梅條大橘也赤黃而酢

風土記

柚梨橘柷皆可

於口也

莊子

吳越之間有木焉其名曰柚碧樹而冬青實

丹而味酸

列子

泡花南人石柚也春末開花圓白如大球

氣極清芳與茉莉素馨相軋番禺人取以蒸香大抵挹

取其氣令自薰陶以入香骨未嘗以甌釜炊爨

虞衡志

枸

緣似橘如柚大而倍長味酢

廣州記

枸緣子形如瓜皮如

橙而金色故人重之愛其香氣南中女工競取其肉雕刻花鳥以蜜浸之點以燕支亦不讓于鏤木瓜冬瓜也

嶺表錄

紀要

晏子使楚楚王進橘置削晏子并食不剖王曰橘當剖對曰臣聞之賜人主前者瓜桃不削橘柚不剖今者萬

乘無

闕

故不敢剖臣非不知也

晏子春秋

橘白花赤實皮馨

味美自漢武帝交趾有橘長官一人秩二百石主貢御

橘

異物志

吳黃武中交趾太守丁燮獻橘十七枚一蒂以

為瑞異羣臣稱賀

稽含錄

吳王儁魏曹丕大橘丕詔曰南

方有橘酢正裂人牙時有甜耳

吳志

陸績年六歲初見袁

術術出橘績懷三枚去拜而墮地術謂曰陸郎作賓客

而懷橘乎答曰欲歸遺母術大奇之

吳志

王右軍帖云奉

橘三百顆霜未降未可多得

法帖

庾亮為平西將軍進橘

十二實共一蒂羣臣賀

續世說

蘇耽將仙告母曰後二年

郴人大疫乃植橘鑿井曰受病者但食一橘葉飲水一

盞當自愈今郴州蘇仙觀乃其舊宅

本州圖經

虞愿始數歲

家有橘樹冬熟諸兒競取之愿獨不取人皆異之

南史楊

由為成都文學掾少治易曉占候忽有風起太守問由

由曰南方有進木實者色黃赤頃之五官掾貢橘數包

益州者舊傳

巴園人種橘收兩大橘如三斗盞剖之有二叟

相對身長尺餘象戲一叟曰橘中之樂不減商山但恨

不得深根固蒂耳一叟曰僕飢矣須龍脯食之食訖以

水喫地為二白龍而去

幽冥錄

唐太宗蓬萊殿九日宴羣

臣賜湖南新橘

闕

江陵進乳柑橘命種于蓬萊宮結

一合歡實上與妃子持玩曰此果似知人意

楊妃外傳

劉晏

自江淮茗橘珍甘常與本道分貢競欲先至雖封山斷

道以禁前發每厚貲致之常冠諸府

廣記

柳玼為嶺南節

度廨中橘柚熟既食遂計直以還于官

本傳

柳毅見龍君

叩海岬橘樹名橘社

異聞傳

陳允升好道術撫州危全諷

迎寘郡中常夜坐危謂之曰豐城橘美頗思之允升曰
方有一船泊豐城港去城十五里少還即返攜一布囊

數百枚

江淮
異錄

建安中詔江南橘為歲供廟饗

本紀

雜著

后皇嘉樹橘徠服兮受命不遷生南國兮深固難徙更
一志兮綠葉素榮紛其可喜兮曾枝剌棘圓可搏兮青黃

雜揉文章爛兮精色內白類可任兮紛緼宜修姱而不

醜兮

屈原
橘頌

黃甘陸吉楚之二高士也黃隱于泥山陸隱

于蕭山楚王聞二人名遣使召之吉先至賜爵左庶長
封洞庭君尊寵在羣臣右久之甘始來一見拜溫尹平
陽侯班次令尹兩人立朝久尊貴用事一旦吉位居上
甘心銜之羣臣皆疑之會秦遣陳軫鍾離意使楚楚召
燕章臺羣臣皆與甘坐上座吉拂然謂之曰請與子論
事甘唯唯吉曰齊楚約西擊秦吾引兵踰關身犯霜露
與枳棘最下者同甘苦率家奴千人戰甘州之上拓地
至漢南而歸子功孰與甘曰不如也曰神農氏之有天

下也吾剥膚剖肝怡顏下氣以固蒂之術獻上上喜之
命記注官陶弘景狀其方畧以付國史出為九江守宣
上德澤使兒童亦懷之子才孰與甘曰不如也吉曰是
二者皆出吾下而位居吾上何也甘徐應之曰君何見
之晚也每歲太守勸駕乘傳入金門上玉堂與虞荔申
枵梅福棗嵩之徒列侍上前使數子者口呿舌縮不克
措一語當此之時屬之于子乎屬之于我乎吉默然良
久曰屬之于子矣甘曰此吾所以居子之上也于是羣

臣皆服歲終吉以疾免更封甘子為穰侯吉之子為下
邳侯穰侯遂廢不顯下邳以美湯藥官至陳州治中太
史公曰田文論相吳起說相如回車廉頗屈漢后弊衣
尹姬悔甘吉亦然傳曰女無美惡入宮見妬士無賢不
肖入朝見嫉此之謂也雖美惡之相遠嗜好之不齊亦
烏可勝道哉東坡質歲蕤而懷風性耿介而凌霜謝靈運賦真

枝凝碧懋湘岸之多陰華實變黃動江潭之秋色碧葉

獨潤金衣更鮮

李德裕賦

甘踰萍實剖食即同于楚謠寒比

蔗漿析醒何慚于漢史

劉禹錫表

爛日色麗彤廷

賀表

春白花

芳玉團香氣清芳紫檀久柯不改芳蒼官秋實正味芳

木酸棘直芳所難世所知芳惟蘭葉不採芳汝安

鄭松憲

賦咏祖

五言散句

朱芭待霜潤

沈約

寒橘帶霜甘

許渾

齒衰嫌橘醋

宋景文

香能破腥惡

香山

天寒橘柚垂

少陵

橘妥么金丸

山谷

綠橘憐同氣

丁謂

黃知橘柚來

少陵

荒庭垂橘柚

茅簷依橘柚

橘柚當家僮

柳宗元

寒初榮橘柚

人烟寒橘柚

太白

星懸橘柚村

劉禹錫

春飛白玉花秋吐黃金實

程金紫

此郊千樹橘不見比封君

少陵

芳條結繁翠圓實變霜朱

梁范雲

逢君金華宴得在玉階前

張華

磊落蠟珠圓參差金壺裏

劉原父

頌聲騷客誤錫貢禹書遲

荊州持大橘亦名作黃柑

晁以道

彼美出南國關山不常有

張芸叟

香散風前麝漿寒霜後蜜

程金紫

七言散句

橘州日出仍甘腴

少陵

願憑朱實表丹誠

香山

楚香寒食菊花時

杜牧

君家秋實羅浮種

山谷

清園一洗黃金團

張文潛

黃金球獻相摩盞

曾南豐

珠顆形容隨日長瓊漿氣味得霜成

香山香

手植黃柑三百顆春來新葉滿城隅

柳州柳

幾樹花開聞噴雪何人橘實見垂珠

千里晚霞雲夢北一州霜橘洞庭南

張泌

莫遣兒童酸打盡要看霜後十分黃

山谷

書后合題三百顆頻隨驛使未應慳

江南碧木映霜秋丹實清香破客愁

劉原父

氣味豈同淮枳變皮膚不作楚梅酸

李邦直

浥霜火齊紫紫熟喫露金苞冉冉香

王安石

入苞豈數橘柚賤芣昂始足鹽梅和

曾南豐

惟有橘園風景異碧叢叢裏萬黃金

范石湖

那堪富有千頭橘便可稱為四老人

徐竹隱

香于梔子細于梅柳絮梨花向後開

丁公言

五言古詩

伊橘少生意雖多亦奚為惜我結實小酸澁如棠梨剖
之盡蠹蝕採掇爽所宜紛然不適口豈止存其皮蕭蕭
半死葉忽忽別故枝玄冬霜雪積況與回風吹常聞蓬
萊殿羅列瀟湘姿此物歲不稔玉食失光輝寇盜尚憑
陵當君減膳時汝病是天意吾意罪有司憶昔南海使
奔騰獻荔枝百馬死山谷到今耆舊悲

少陵

橘柚懷真質受命此炎方密林耀朱綠晚歲有餘香殊

風限清漢飛霜滯故鄉板條何所嘆北望熊與湘

柳子厚

菱蕤映庭樹枝葉凌秋芳故條雜新實金翠共含霜扳

枝折杪幹甘旨若瓊漿無假存彫飾玉盤余自嘗

梁簡文帝

衝飈發寒壑朔雪度炎州摧折江南桂離披漢北楸獨

有凌霜橘榮麗在中洲

齊虞芝

麗樹臨江浦結翠似芳蘭焜煌玉衡散照耀金衣丹

梁徐

摛

橘生湘水側僻陋人莫傳逢君金華宴得在玉几前
吾聞江南橘乃比千戶侯歲獻天子旁取為廟堂饅

張華原劉

父

五言律詩

補附散句散聯

野色烟波外西風橘柚香湖光杳無際山色忽深藏塔
古燈猶照壇餘竈已荒何當蛻塵鞅從此訪漁郎

趙節齋

倦客滄浪意扁舟汗漫遊雲歸林屋晚木落洞庭秋此
地真堪老中原卒未休可知侯萬戶不似橘千頭

媚葉重重密幽花裊裊香

宋景文

白華如散雪朱實似垂金自有凌冬質能堅歲晚心

李元

豫

七言絕句

憐君病後思新橘如折猶酸亦未黃書後欲題三百顆
洞庭猶待滿林霜

宜春果結洛陽枝正遇耆朋會客時更引輕舟停葦岸
香杭鮮鱸雅相宜

溫公

十年不折洞庭霜喜見新苞照眼黃但得典刑休嗜味

虎賁猶得作中郎

張文潛

新霜徹曉報秋深染就青林作纈林惟有橘園風景異

碧叢叢裏萬黃金

范石湖

兩樹亭亭鮮砌旁未論包貢奉君王世無班馬堪薰炙

且嗅幽花也自香

後村

樂府祖

浣溪沙

菊暗荷枯一夜霜
新苞綠葉照林光
竹籬茅舍出青黃
香霧噀人驚半破
清泉流齒恰初嘗
吳姬三月手猶

香

子瞻

清平樂

西江霜後萬點暄晴
晝璀璨寄來光欲溜
正值文君病酒
畫屏斜倚
窻紗睡痕猶帶
朝霞為問清香絕韻何

如欲語梅花

李古溪

西江月

昨夜十分霜重曉來千里書傳吳山秀處洞庭邊不夜
星垂初徧好事寄來禪侶多情將送琴仙為憐佳果
稱嬋娟一笑聊同勝宴

李古
溪

柑

事實祖

碎錄

柑者橘之屬也味甘美有黃者有頰者頰者謂之壺柑
交趾人以席囊貯之鬻于市中其窠如薄絮囊皆連枝

葉螳在其中并窠而賣螳亦黃色大於常螳南方柑樹

若無此蟻則其實為蠹所傷無復一完今華林園有柑

二株

嵇含錄

員柑一名乳柑惟泥山為最地不弛一里所

產柑其大六七寸圓皮薄而味美脰不黏瓣食不留澤

一顆之枝纔一二枚間有全無者生枝柑鄉人以其耐

久留之枝上帶葉而折故名生枝

韓彥直錄

紀要

張磐為廬江太守潯陽令餉一奩柑其小男執其一枚

磐奪取付外卒以兩枚與之磐奪柑杖卒曰何故行賂

于吾子

謝承後漢書

彭城王義康時四方獻餽皆以上品獻

義康而以次者供御上嘗噉柑嘆其味劣義康在坐曰

今年柑殊有佳者遣人還東府取柑大三寸許

宋書

王丞

相儉帳下柑果盈溢涉春壞爛

世說

李衡字叔平為丹陽

太守每治家妻輒不聽後密遣人於武陵龍陽洲上作

宅種柑千樹臨死勅兒曰汝母惡我治家今窮如是吾

洲上有千頭木奴不責汝衣食歲止一熟亦足用矣及

柑成歲得輸絹數千疋

襄陽傳

隋文帝好食柑蜀中柑黃

即以蠟封其蒂獻之

本紀

唐故事賜近臣黃柑以黃羅包

之人各二枚上元夜以黃柑遺近臣謂之傳柑宴

坡詩注

荊州貢黃柑帝以紫帕包賜蕭嵩

唐志

唐明皇得合歡柑

與宰臣分食之又令工畫為圖

開元遺事

唐明皇食柑幾千

餘枚皆缺一瓣問進柑使云中途有一道士嗅之蓋羅

公遠也

同上

益州歲貢柑皆以紙裹之他時長吏嫌不敬

代之細布既而恐柑為布所損每懷憂懼俄有御史甘

子布至長吏以為推布裏柑子事懼曰果為所推及子布到驛長吏敍以布裏為敬子布初不之知久而方悟聞者笑之

唐新語

開元末江陵進乳柑橘上以十枚種于

蓬萊宮至天寶十載九月結實宣示宰臣曰朕近于宮內種柑子數株今秋已結實一百五十顆乃與江南及蜀中所進不異宰臣賀曰雨露所均混天樞而齊被草木有性憑地氣以潛通故得以江外之珍果為楚中之華實

太真外傳

董元素自江南來上召見留于翰林中宿泊

夜召與語曰聞公頗有神術今南中柑橘正熟卿能致

之否對曰請安一合于御榻前數刻忽有微風入簾元

素乃啟其合柑子滿其中奉曰此江陵支縣柑也上嘗

之驚嘆

異聞錄

南陽郡東望山有柑正熟三人共食致飽

訖懷二枚去聞雲中有語云放雙柑乃聽汝去

述異記

安

定郡王以黃柑釀酒名曰洞庭春色

坡集

雜著

橘出溫郡然多種柑又別種有八曰真曰生枝曰海紅

曰洞庭曰朱曰金曰木曰甜橘別種為十四曰塌曰包
曰綿曰沙曰荔曰軟條曰穿曰油曰綠曰乳曰金曰白
然曰早黃曰凍棖屬別種為五曰棖曰朱變曰香藥曰
金緣曰枸橘凡其類合二十有七種而乳柑推第一故
溫人謂乳柑為真柑然橘亦出蘇州台州西出荊州而
南出閩廣皆木橘耳已不敢與溫州齒矧敢與真柑爭
高下耶且溫四邑俱種柑而出泥山者又傑然推第一
泥山盡平陽一孤嶼大抵塊土不過覆釜其旁地延袤

只三二里許無連岡險壑非有佳風氣之浸淫出三二里外其香味益遠不逮夫物理何可考耶或曰溫並海地斥鹵宜橘與柑而泥山特斥鹵佳處物生其中故獨與他異予頗不然其說夫姑蘇青丘與七閩兩廣之地往往多並海斥鹵何獨溫而又豈無三二里得斥鹵佳處如泥山者自屈原司馬遷李衡潘岳王羲之謝惠連韋應物輩皆言吳楚間出者而未嘗及溫溫最晚出而羣橘盡廢物之變化出沒其渺不可攷如此以予意之

溫之學者由晉唐間未聞有傑然出與天下敵者至國
朝始盛至于今日又號為文物極盛之際豈亦天地光
華秀杰之氣來鍾此土其餘英遺液猶被草木而泥山
獨偶得其至英者耶予北人平生恨不得見橘著花然
常從橘州市橘亦未見佳者又安得所謂泥山者啗之
去年秋把旄此地得一親見花而再食其實以為幸獨
故事太守不得出城從遠遊無由領客入泥山香林中
泛酒其下而客乃有遺予泥山橘者且曰橘之美當不

減荔子荔子今有譜得與牡丹芍藥花譜並行而獨未
有橘譜子愛橘尤甚橘若有待子子不可辭子因為之
譜且妄欲自附于歐陽公蔡公之後亦以表見溫之學
者足以夸天下而不在夫橘而已

韓彥直錄

以上皆彥直之

錄也韓但知乳橘出于泥山獨不知出于天台之黃岩
也出于泥山者固奇也出于黃巖者尤天下之奇也

陳肥

遊識

名傳地理遠自武陵之淵族茂神經遙聞建春之嶺

王逸為賦取對荔枝張衡製辭用連石蜜足使萍實非

甜蒲萄猶餲

梁庾肩吾謝湘東王賡柑啟

王羲之與諸子游觀有一

枚柑割而分之以娛目前云

闕

黃甘傳

見橘門

賦咏祖

五言散句

登俎黃柑重

少陵

破柑霜落爪

白露溥柑子

撫掌笑木奴爾豈當封侯

晁以道

逢君金華宴正味百花先

張文潛

朱實挺荆南
芭品擅珍淑
上林雜佳樹
江浦間修竹

梁徐

陵

園柑長茂時
三寸如黃金
諸侯舊上計
厥貢傾千林
黃金結縹帶
搖落楚天涯
來助枳盤勝
羞將橘柚偕

少陵溫公

七言散句

聞道黃柑嘗抵鵲

東坡

君家秋實羅浮種
已作累累半拂牆

山谷

燕南異事真堪紀
三十黃柑擘永嘉

黃柑似是勝岨蜜帶葉初擎翠竹籃

聖俞

歸來一點殘燈在猶有傳柑遺細君

東坡

風搖玉蕊霏微露霜後金衣委墜繁

子美

楚山黃柑彈丸小未識洞庭三寸柑

子由

磊落金盤薦糟蟹纖柔玉指破霜柑

陳師道

五言律詩

春日晴江岸千柑二頃田青雲著葉密白雪避花繁結

子隨邊使開筒近至尊後于桃李熟終得獻金門

少陵

岑寂雙柑樹婆娑一院香交柯低几杖垂實礙衣裳滿
歲如松碧同時待橘黃幾回沾葉露乘月上胡床

七言絕句

侍史傳柑玉帝旁又聞草木盡天香寄與維摩方丈室
不知薝蔔是餘芳

色深林裏風霜下香著尊前指爪間書後合題三百顆

頻隨驛使未應慳

山谷

君家秋後羅浮種已是累累半拂牆莫教兒童酸打盡

要看霜後十分黃

七言律詩

手種黃柑三百株
春來新葉徧城隅
方知楚客憐皇樹
不學荊州利木奴
幾歲花開聞噴雪
何人摘實見垂珠

若教坐待成林後
滋味還堪養老夫

柳宗元

一雙羅帕未分珍
林下先嘗愧逐臣
露葉霜枝剪寒碧
金盤玉指破芳辛
清泉漱漱先流齒
香霧霏霏欲喫人

坐客殷勤為收子
千奴一約為吾貧

東坡

樂府祖

洞仙歌

江陵種橘尚比封侯貴
何況江濤轉千里帶天香含乳
洞宜入春盤紅荔子馳驛風流僅比
齒疎潘令老怯

咀冰霜十顆金苞謾分遺觴前須細認別有餘甘從此
去枉却栽桃種李想相如酒渴對文君迴不是人間等

閑風味

晁補之

溫江異果惟有泥山貴
驛送江南數千里半含霜輕喫

霧曾怯吳姬親贈我綠橘黃柑怎比 雙親雲水外遊
子空懷惆悵無人可歸遺報周郎須念我物少情多春
酒醉獨勝甜桃酢李況燈火樓臺近元宵似不減袖中
香味

全芳備祖後集卷三

欽定四庫全書

全芳備祖後集卷四

宋 陳景沂 撰

果部

橙

事實祖

碎錄

橙橘屬食之則美嗅之則香

淮南子

橙皮可為醬齏韭

風俗

通 橙似橘而非若柚而香冬夏花實相繼或如彈或如

拳

果木志

木有刺香氣馥郁可以薰衣可以漬蜜

劉孝子
嚴摘錄

雜著

穰橙鄧橘

南都賦

在南稱柑在北則橙

文選

賦詠祖

五言散句

細雨更移橙

少陵

霜橙壓香橘

少陵

霜橙共我鄉

張耒

鵲殼攢壞橙

昌黎

清霜夜漠漠佳實曉累累鵲殼攢修榦金華耀暖曦

張右

史

七言散句

西風初作十分涼喜見新橙透甲香

東坡

鮮明百樹見秋實錯綴衆葉傾霜柯翠羽流酥出天仗

黃金球戲相盪摩

南豐

七言絕句

荷盡已無擎雨蓋菊殘猶有傲霜枝一年好景君須記

最是橙黃橘綠時

東坡

金橙縱復里人知不見鱸魚價自低
須是松江煙雨裏
小船燒薤擣香蘂

嘉樹團團俯可攀
壓枝秋實漸爛斑
朱闌碧瓦清霜曉

粲粲繁星綠葉間

永叔

天將金闕真黃色
借與洞庭霜後橙
松滋解作逡巡麴

壓倒江南好事僧

山谷

橙橘甘香各効能
厥包錫貢不同升
果中亦抱奇才嘆

有客攀條氣拂膺

屏山

尚懷細雨初移日著子已見清霜潛絕憐面有貴人色
偶置吾儕樽俎間

橙虀細縷風韻勝我不痛飲那知音何如金丸走衾枕
三月夢遊蒼筤林

自從天籟守吏散老樹零落烟雲淒今朝我為作知己
小摘秋風黃欲齊

花資泛蜜小劑供極有痛快麇邪功生枝滋味雖可口
流品故應甘下風

七言律詩

洞庭朱橘未弄色，襄水錦橙多已黃。
玉臼持齏憐鱸美，金盤按酒助杯香。
雖生南土名猶重，未信中州客厭嘗。
欲寄百包憑驛去，只因佳味怯風霜。

梅聖俞

金橘

事實祖

紀要

金橘產于江西，以遠難致，都人初不識。明道景祐初始

至京師香清味美置之樽俎光采灼爍如金彈丸溫成
皇后好食之由是價重京師余世家江西見吉州人甚
惜此果若欲久蓄預于菜豆中藏之可經時不變蓋性
熱以菜豆涼故也

歸田錄

賦詠祖

五言散句

金丸小木奴

元稹

霜苞瓜瓣香

聖俞

具體橘苞微

聖俞

誦句襃露囊香甘冷慰齒

韓彈有輕薄楚萍知是非甘香奉華俎咀嚼破明璣

越橘如金彈爛然已盈篋誰傳嶺外信常戴霜前葉

聖俞

七言散句

霜枝搖落黃金彈

山谷

黃欺晚菊垂金砌圓並明珠落細盤

王岐公

七言古詩

誠齋老子不耐靜偶拄烏藤出苔徑獨遊無伴却成愁

羣從同行還起興，
槿籬竹戶重復重。
雞鳴犬吠青霞中，
蓬萊老仙出迎客。
朱顏白髮仍方瞳，
餐菊為糧露為醕。
染霧作巾雲作屨，
欣然領客到仙家。
行盡蓬萊日未斜，
更傾山瓢酌仙酒。
酒外瓢邊亦何有，
偶有小樹雙團欒。
碧琉璃葉黃金丸，
主人忍喫不忍摘。
笑道未霜猶帶酸，
小童隨我勇過我。
不管仙翁惜仙果，
手挽風株揀霜顆。
爭獻滿盤來釘坐，
隔水蓬萊看絕奇。
蓬萊看水海如池，
主人勸客對絕境。
不飲令人坐生癭，
何如寄下未盡瓢。

留待早梅伴疎影

誠齋

七言絕句

禪客入秋無氣息想依紅袖醉氍毹霜枝搖落黃金彈

許送筠籠殊未來

山谷

圓小香黃珠顆垂結成洛邑重霜時相公和氣陶羣物

不是寒暄變土宜

溫公

風餐露飲橘州仙胸次清于月樣圓仙客偶遺金彈子

蜂王排作菊花鈿

誠齋

七言律詩

苑臣初摘置瑤盤口勅宣恩賜近官氣味豈同淮枳變
皮膚不作楚梅酸參差翠葉藏珠琲錯落金槃鑄彈丸
安得一株擎雨露畫圖傳與世人看

李清臣

甘蔗

事實祖

碎錄

諸蔗也

說文

赤者名崑崙白者名荻蔗

本草

疎者皮厚謂之

荻蔗

吳志

扶南蔗一丈三節見日即消遇風即折

世說

蔗冰

甘蔗其錫為石蜜

廣志

泰尊蔗漿取柘甘以為飲也

漢郊祀志

臠鼈魚羔有柘漿和其汁以為飲也

宋玉賦

交趾所生者

圍數寸長丈餘頗似竹斷而啖之甚甘榨取其汁曝乾

成飴入口消釋彼人謂之石蜜

吳錄

紀要

顧愷之為虎頭將軍每食蔗自尾至中曰漸入佳境

世說

元嘉二十七年魏太武引兵攻彭城求甘蔗于武陵王

駿駿命予之

魏史

魏主致意遠來疲乏若有甘蔗及酒可

以分惠世祖荅曰知行路多乏令付酒二器甘蔗百根

沈約
宋書

平虜將軍劉勲奮威郭展等共飲夙聞展有手臂

曉五兵與論劍良久謂將軍怯也求與對酒酣耳熱方

食蔗即以為杖下殿數交二中其臂左右大笑

魏典

虞

絳中疝疾踰月既乏資給疲瘵且腫忽夢一白衣婦人

謂之曰子之疾當食蔗即愈詰朝見鬻蔗者揣囊中告

乏錙惟有唐韻一冊請易之其人曰我乃負販者將此

安用哀君欲之遂貽數枝虞喜而食之疾遂愈

野史

神宗

問惠卿曰何草不庶獨于蔗庶何也對曰凡草種之則

正生此側出也所謂庶出也

野史

孫亮使黃門以銀碗并

蓋就中藏吏取交州所獻甘蔗餽黃門先恨藏吏以鼠

屎投餽中啟言吏不謹亮呼吏將銀器入問曰此器既

蓋之有掩覆何緣有此黃門將有恨汝耶吏叩頭曰常

從某求官花席不敢與亮曰必是此也問之懼服

江表傳

雜著

唐大厯間有僧號鄒和尚不知所從來跨白驢登繖山
結茆以居雖鹽菜薪米之屬即書于紙繫錢遣驢負至
市區人知為鄒也取平直挂物于鞍負而歸一日驢弊
山下黃氏蔗苗黃請償于鄒鄒曰汝未知因蔗糖為霜
利當十倍吾語汝塞責可乎試之果倍自是流傳其法
至末年北走通泉縣靈鷲山龕中其徒追及但見一文
殊石像始知大士化身而白驢者乃獅子也
王灼譜 甘柘
只生于南方北人嗜之而不可得魏太武至彭城遣人

求酒及蔗于武陵王郭汾陽在汾上代宗賜甘蔗二十條子虛賦所云諸柘也諸柘者甘蔗也蓋相如指言楚雲之物漢郊祀歌泰尊柘漿亦謂取甘蔗汁以為飲容齋又有糖霜譜云糖霜之名唐以前無所見自古食蔗者始為蔗漿宋玉招魂賦所謂臠鼈魚羔有柘漿是也其後為蔗餠如孫亮者是也後又為石蜜南中八郡志云榨甘蔗汁曝成飴謂之石蜜本草亦云煉糖如乳為石蜜是也後又為蔗酒唐赤土國用甘蔗作酒雜以紫

瓜根是也唐太宗遣使至磨竭陀國取熬糖法即詔揚
州上諸蔗榨潘如其劑色味愈于西域然只是今之砂
糖蔗之技盡于此不言作霜非古也歷世詩人模竒寫
異亦無一章一句及此惟東坡過金山寺作詩送遂寧
僧云涪江與中泠共此一味水冰盤薦琥珀何似糖霜
美山谷作頌荅梓州雍熙長老云遠寄蔗霜知有味勝
如崔子水晶槃正宗埽地從誰說我舌猶能及鼻尖糖
霜見之文字者實始二公甘蔗所在皆植獨福塘四明

番禺廣漢遂寧有糖霜而遂寧為冠四郡所產甚微而
棵細色淺味淡僅比遂之下者亦皆起于近世唐大厯
中有鄒和尚者始來小溪之繖山教民黃氏以造霜之
法繖山在縣北二十里凡前後為蔗田者十之四蔗有
四色曰杜蔗曰西蔗曰芳蔗本草所謂荻蔗也曰紅蔗
本草所謂崑崙蔗也紅蔗止堪生啖芳蔗可為沙糖西
蔗可作霜色淺不甚貴杜蔗綠嫩味厚專用作霜凡蔗
最因地力今年為蔗田者明年改種五穀以滋息之器

用曰蔗削曰蔗鐮曰蔗筩曰蔗碾曰榨斗曰黍甕各有
制度凡霜一甕中品級亦自不同堆疊如假山者為上
團枝次之甕鑑次之碎小塊顆又次之沙脚為下紫為
上琥珀次之淺黃又次之淺白為下宣和初王黼創應
奉司遂寧常貢外歲別進數千斤是時所產益奇應奉
司罷乃不再見遂寧王灼作糖霜譜七篇具載其說予
採取之以廣見聞焉

容齋
隨筆

都蔗雖甘杖之必折巧言雖

美用之必滅

曹植

挫斯蔗而療渴若漱醒而含蜜清滋津

于紫梨流液豐于朱橘

張協

郡蔗釀蜜殊美絕快渴者所

思銘之佩帶

張戴

賦詠祖

五言散句

春雨餘甘蔗

少陵

初味猶噉蔗

昌黎

甘蔗消殘醉

元稹

薑蔗傍湖田

左司

漿甜甜節調

香山

挺挺自超羣稜稜類此君

白氏集

偶然存蔗節幸各對松筠

杜少陵

七言散句

蔗漿歸厨金碗凍

東坡

疑是此君縈紫綬却來佳境醉紅裙

白氏集

少年辛苦甘食蓼老境清閒如啖蔗

百味旨酒布蘭生泰尊柘漿析朝醒

郊祀歌

垂柳陰陰日初永蔗漿酪粉金盤冷

東坡

七言古詩

瑤池宴罷王母仙九芝飛入三仙山空餘絳節留人間
雲封露洗無時間節旄落盡何爛斑野翁提攜出茅管
吳刀戛戛鳴雙環截斷寒冰何潺潺相如賦就空上林
倦遊渴病長相侵劉伶愛酒真荒淫狂來欲倒滄溟深
此時一嚼輕千金爐邊何用文君琴五斗一石安足斟
坐想毛髮生清陰蕭瑟甘滋欲誰釀粗梨橘柚紛殊狀
冷氣直射杯槃上顧郎不見休惆悵佳境到時還不安
詩成雖愧陽春唱全勝乞與將軍杖

舒信
道

七言絕句

亦非崖蜜亦非餉青女吹簫凍作冰透骨輕寒清著齒

嚼成人跡板橋聲

誠齋

橄欖

事實祖

碎錄

橄欖大如棗三月花八九月熟生食味酢蜜藏乃甜美

南方草木狀

樹身聳枝高數丈其子深秋方熟閩中多種植

咀之味香及煮食悉解酒毒有野生者樹繁子酸不可

梯但刻其根下方寸許內鹽于中一夕子皆落

廣州記

賦詠祖

五言散句

粲粲核中仁尚可淪奇茗

程金紫

南國青青果涉冬始攀摘乍咀澁難任竟嘗甘莫敵

俞聖

五言古詩

江南多果實橄欖最清奇北人將就酒食之先顰眉皮

內芳且澁歷歷復棄遺良久且回味始覺甘如飴我今
何所喻喻彼忠臣辭直道逆君耳斥逐投天涯亂世思
其言噬臍焉能追寄語採詩官毋輕橄欖詩

王元之

五行居四時惟火盛南訛炎焦凌小氣橄欖得之多酸
苦不相入初爭久方和霜苞入中州萬里來江波幸登
君子席將與衆果羅中州種佳果珠圓玉先磋愧茲微
陋質以遠不見訶錫飴兒女甜遺味久則那良藥不甘
口厥功見沉痾忠言初厭之事至悔若何世已無採詩

詩成為君哦

永叔

南珍富奇異疇昔頗窮覽夷荒無書傳從古陋鉛槧
封走中土天序異離坎有香已變衰有色多黯謗今君
此堂上珍物惟橄欖青膚鏤瓊瑩翠顆森齒齒若為幽
人貞久見君子淡甘懷彼色羞日新此剛敢清泉薦芳
茗臭味獨潛感凜雪清煩醒滌除瑩玄覽靈均採時菊
西伯嗜昌歆廟鼎實調梅壯士仍嘗膽由來超俗好諸
絕不言慘殷勤謝凡口薤白空三噉

劉貢父

鮑魚肆潛毒頃刻輒僵仆宿酒發狂醒千日尚沉疴性命如危弦一絕不可救幸然服刀圭咄叱還復舊吾昔評橄欖不在百果後俗人多不識至美或莫售

劉原父

七言絕句

方懷味諫軒中果忽見金盤橄欖來想共餘甘有瓜葛苦中真味久方回

山谷

紛紛青子落紅鹽正味森森苦且嚴待得微甘回齒頰

已輸崖蜜十分甜

東坡

樂府祖

好事近

瀟洒薦冰槃滿坐暗驚香集久後一般風味問幾人知
得畫堂飲散已歸來清潤轉更惜留取酒醒時候助

茗甌春色

山谷

浣溪沙

南國風流是故鄉紅鹽落子不因霜于中小底最珍藏
薦酒薦茶些子澁透心透頂十分香可人回味越思

量

吳志

餘甘子

事實祖

碎錄

菴摩勒果餘甘子也

本草

又名菴摩勒迦果

佛書

餘甘如彈

丸大視之理如匏瓜片初入口苦久乃甜美以鹽蒸之

尤美可食

異物志

如梭形初入口酸澀飲水乃甘

同上

其實

似李青黃色核員作六七稜食之先苦後甘

草木狀

瀘水

南岸有餘甘子樹色微黃味酸苦核有五稜

雲南記

戎州

蔡次律家軒外有餘甘子樹予名之曰味諫軒

山谷

其果

則丹橘餘甘荔枝之林

吳郡賦

賦詠祖

六言詩

百斤黃鱸鱠玉萬戶赤酒流霞餘甘渡頭客艇荔枝林

下人家

唐庚

五言古詩

炎方橄欖佳餘甘豈苗裔風姿雖少殊氣韻乃酷似醉
顏澁吻餘彷彿清甘至侯門收寸長粉骨成珍劑猶聞
雜蜜草少轉森嚴味竒才用不專雖用何如棄端如効
苦言逆耳多嫌忌棄果事何傷違言德之累悅口易逢
知感茲長發喟

劉屏山

七言絕句

甘言誤我三折臂良藥為洗五年腸欲知苦過味方永

請試君家肘後方

張于湖

此老才堪上諫坡南州留滯意如何還將苦口劑英主
醫國懸知藥籠多

苦愁人意未相諳率以初嘗廢後甘王氏有詩旌橄欖

可憐遺咏在巴南

程金
紫

樂府祖

更漏子

菴摩勒西土果霜後明珠顆顆憑玉兔搗香塵稱為席
上珍
號餘甘爭奈苦臨上馬時分付管回味却思量

忠言君試嘗

山谷

楹楸

賦詠祖

五言古詩

秦中物專靈楹楸為佳果南枝種府署高樹立婀娜秋
來收新實照日垂萬顆中滋味醴釀外飾素茸裏彥思

摘晨露滿合待贈我

文與可

七言古詩散聯

蒺藜已枯天馬歸嫩蠟籠黃霜冒榦不比江南粗橘酸
橐駝載與吳人看

聖俞

甘露子


賦詠祖

七言古詩

甘露子甘露子喚作地蠶亦良似不食柘葉不食桑何
須走入地底藏不能作繭不上簇如何也蒙賜湯浴呼
我果謂之果呼我較謂之較唐臨晁錯莫逢他高陽酒

徒咀爾不揺牙

誠齋



全芳備祖後集卷四

欽定四庫全書

子部

全芳備祖後集卷五

詳校官中書_臣竇汝翼

主事_臣祁韻士覆勘

總校官庶吉士_臣朱 鈐

校對官助教_臣卜維吉

謄錄監生_臣陸潮愈

欽定四庫全書

全芳備祖後集卷五

宋 陳景沂 撰

果部

梅

事實祖

碎錄

梅杏類樹及葉皆如杏而實同詩標有梅女及時也詩

墓間有梅詩侯栗侯梅詩五月煮梅為豆實禮遷人饋

食之遷其實乾榛

音老

注乾梅也

周禮

紀要

高宗命傅說曰若作和羹爾惟鹽梅

書

東方朔與門生

三人行見一鵲一生曰當有酒一生曰其酒必酸一生

曰雖得酒不及飲須臾主人出酒安座而覆之不得飲

問其故曰見鵲飲水故知得酒鵲飛集梅故知酒酸鵲

飛去折枝故知不得飲也

外傳

魏武帝行兵失道三軍皆

渴操曰前有大梅林結子甘酸可以止渴士卒聞之口

皆流水

三國志

吳人謂梅子為曹公謂鶯為右軍有士人

遺醋梅與燭鶯作書曰醋浸曹公一餅湯燭右軍兩隻

筆談

范任能噉梅信嘗致一奩留任食之須臾而罄

語林

五

代趙康凝楊偓方宴食青梅凝顧偓曰勿多食小兒食

諸將以為慢偓遷康凝梅陵

五代史

夏至前雨名黃梅沾

衣皆敗黥又埤雅云江湘二浙四五月間梅欲黃落則

水潤土溽柱礎皆汗出成雨謂之梅雨故自江以南三

月雨謂之迎梅五月雨謂之送梅

風土記

江淮有梅雨號

為梅靈又有落梅風謂之信風

雜著

魏無林而止渴范留信以前嘗

陳照

亦果中之佳實

吳天淑

子置公卿大夫士欲水土相濟鹽梅相調不得獨是獨

非也

王義方疏

賦詠祖

五言散句

紅綻雨肥梅

少陵

四月熟黃梅

梅杏半傳黃

齒軟越梅酸

韓偓

好折待賓侶金盤薦紅裙

庾信

七言散句

梅實許同朱老喫

少陵

金槃未薦含酸子

東坡

冰槃青子渴爭嘗

朱韋齋

江南樹樹黃垂蜜

五言古詩

江梅有佳實結根桃李場桃李終不言朝露借恩光孤
芳已皎潔冰壺空自香古來和鼎實此物升廟廊歲月
坐成晚烟雨青已黃得升桃李槃以遠初見嘗終焉未
可口擲置官道傍但使本根在棄捐何能傷

七言絕句

天賜燕支一抹顒盤中磊落笛中哀雖然未得和羹便

曾與將軍止渴來

羅隱

青莎徑裡香未乾黃鳥陰中實已圓蒸豆作烏梅作白

屬同丹杏薦牙盤

山谷

北客未嘗眉自顰
南人誇說口生津
磨錢和蜜誰能許
去蒂供鹽亦可人

帶葉連枝摘未殘
依依茶塢竹籬間
相如病渴應須此
莫與文君蹙遠山

渴夢吞江起解顏
誇成有味齒牙間
前年鄴下劉公幹
今日江南庾子山

久雨令人不出門
鮮晴喚我到西園
要知春事深和淺

試看青梅大幾分

紅雨斑斑竹外蹊黃金嫋嫋水邊絲舉頭揀徧低陰處

帶葉青梅摘一枝

誠齋

實成上供人主知登進玉階調鼎臠那得滋味甘如飴

無忘風雨摧挫時

王曜軒

樂府祖

阮郎歸

南園春草踏青時風和聞馬嘶青梅如豆柳如眉日長

蝴蝶飛 花露重草煙低人家簾幙垂秋千慵困解羅

衣畫梁雙燕栖

永叔

菩薩蠻

一聲羌管吹鳴咽玉溪半夜梅翻雪江月正茫茫斷橋

流水香 含章春欲暮落日千山雨一點著枝酸吳姬

先齒寒

孫濟師

永遇樂

風折新英雨肥繁實又還如豆玉核初成紅腮尚淺齒

軟酸微透粉牆低亞佳人驚見不管露沾襟袖一枝釵
子未揮應把手按頻嗅相思病酒只因思此免使文
君眉皺入鼎調羹攀林止渴功業還依舊看看飛燕銜
將春去又將欲黃昏時候爭如向金槃滿捧共君對酒

王冠
卿

杏

事實祖

碎錄

葉似梅差大而微紅其仁可以入藥

本草

師曠占曰梅桃

杏實多者來年謂之穰

海錄

寒食日人煮麥粥杏仁為酪

以錫沃之

玉燭寶典

嵩山有牛山其山多杏至三月爛然黃

茂自中國喪亂百姓饑饉皆資此為命人人充飽而杏

不盡

嵩山記

紀要

孔子居杏壇之上

莊子

漢文帝上林苑有文杏

西京雜記

神仙

董奉居廬山為人治病重者種杏五株輕者一株于杏

林中以杏一器換穀一器穀少者虎逐之乃以穀賑貧

乏者號董仙杏林

神仙傳

孫楚祭子推云餉一盤醴酪三

盃今寒食有杏酪麥粥即其遺也

荆楚歲時記

後周張元性

廉潔南隣有杏兩株杏熟多落元園中悉以還之

周書馬

燧子暢以第中大杏饋竇文瑒文瑒以進德宗德宗未

嘗見頗怪之令中使就封杏樹暢懼進宅廢為奉誠園

唐史

雜著

魏王送西山之杏

王逸

飾文杏以為梁

相如

李賀有惱公篇

蓋艷體也其首章曰宋玉愁空斷嬌嬈粉自紅歌聲春
草露門掩杏花叢故晁次膺詞用此

賦詠祖

五言散句

芳枝結青杏翠葆新奕奕

永叔

七言散句

仙人愛杏令虎守

聖俞

大杏金黃小麥熟

東坡

里中饋杏得新嘗

后山

五言古詩

天暖酒易醺
春暮花難覓
閒步到南園
杏子半紅碧
輕風動高枝
可望不可摘
聳肩跂一足
偶爾攀翻得
攀條初亦喜
折條還復惜
小苦已自韻
味酸正堪啖
聊將插

鬢歸空樽有餘瀝

誠齋

樂府祖

浣溪紗

青杏園中煮酒香
佳人初試薄羅裳
柳絲搖曳燕飛忙
乍雨乍晴花自落
閒愁閒悶畫偏長
為誰消瘦減容

光

永叔
二首

葉底青青杏子垂
枝頭薄薄柳綿飛
日高深院晚鶯啼
堪恨風流成薄倖
斷無消息道歸期
托腮無語翠眉低

蝶戀花

花褪殘紅青杏小。燕子飛時，綠水門前繞。枝上柳綿吹
又少。天涯何處無芳草。牆裡鞦韆牆外道。牆外行人，
牆裏佳人笑。漸不聞聲聲漸悄。多情却被無情惱。
東坡

訴衷情

出林杏實落金盤。齒軟怕嘗酸。可惜半殘青子，猶有小
唇丹。南陌上，落花間。雨斑斑。不言不語，一段傷春都
在眉間。

桃

事實祖

碎錄

旄冬桃也

梳桃山桃

爾雅

有實其實

詩天

桃

投我以桃報

之以李

詩抑

其實棗栗桃

禮

玉衡星散為桃

春秋

運

東海

有山名度索上有大桃蟠屈三千里名曰蟠桃

水經注

波

斯國有波淡樹長五六丈圍四五尺葉似桃三月開花

白色結實如桃子形而偏謂之偏桃其實苦澁不可噉

核中仁子甘美西域共珍之

南蠻志

蠻

紀要

孔子侍坐于魯哀公公賜之桃與黍公曰以黍雪桃對

曰黍五穀之長而桃為下果君子不以貴雪賤

家語

老子

西遊省太真王母共食碧桃紫梨

尹喜傳

昔彌子瑕有寵

于衛君食桃而甘以其半奉君君曰愛我哉忘其口而

啖寡人及子瑕得罪于君君曰是常啖我以餘桃

韓公非

孫捷田開疆古冶子事景公勇而無禮公患之晏子言

于公請公饋以二桃曰三子計功而食公孫捷田開疆

先言功援桃而起古治子又言其功令二子反桃二子
慚而自殺古治子曰恥人以言夸其聲不義也亦反其

桃而死故曰二桃殺三士

晏子春秋

秦吏趙凱以私恨告國

民吳旦生盜食宗廟御桃旦生對曰民不敢食也王曰
剖其腹出其桃史記惡而書之曰食桃之肉當有遺核

王不知此而剖人腹以求桃非理也

周書

東都獻短人帝

呼東方朔朔至短人謂上曰王母種桃三千歲一結子
此兒已三過偷之矣後西王母以七月七日降帝宮命

侍女索桃須臾盤盛七枚母自啖二以五枚與帝帝留核母曰用此何為上曰欲種之母笑曰此桃三千年一

結子非下土所植

漢武故事

漢永平中劉晨阮肇入天台迷

不得返經十二日飢甚遙望山上有桃遂躋險援葛至

其上啖數枚飢止體充下山取水見一杯流出有胡麻

焉乃相謂此近人矣度山見大溪溪邊有二女子色甚

美見二人持杯便笑曰劉阮二郎投回杯來劉阮驚二

女欣然曰來何晚耶因邀至家十日求還苦留半年女

遂相送指示還路鄉邑零落已七世矣

搜神記

張陵沛人

也弟子趙升就陵受業陵七試之陵與諸弟子登雲臺

山絕頂上有一桃樹石壁下臨不測者三四丈有大桃

實陵謂諸弟子曰得此桃者當告以道弟子皆流汗無

敢視者陵曰神人所護何險之有乃從上自擲正投桃

樹上取桃滿懷而石壁峭峻不能得還乃擲桃百枚陵

分桃與諸弟子餘二枚與升

神仙傳

樊夫人與劉綱俱有

道術各自言勝中庭有大桃樹夫妻各呪其一桃便鬪

良久走出籬外

同上

桓崕在京下有桃桓玄就求不得

佳者玄曰德之休明則肅慎貢其楛矢如其不然籬壁

間物亦不可得也

世說

譙郡夏侯文規亡後見形經庭前

桃樹邊過曰此桃吾昔所種其婦曰人言亡者畏桃君

何不畏耶荅曰桃東南枝長二尺一寸向日者鬼憎之

然我亦不畏也

甄異傳

葛由羌人好刻木作羊賣之騎羊

入蜀蜀中人追之上綏山食桃得仙故里諺曰得綏山

一桃雖不能仙亦足以豪

列仙傳

莊宗年邁多疾馮道奏

曰臣願陛下寢膳之間動思調衛因指御前果實曰如
食桃不康見桃而思戒可也五代史有一紅衣人送酒歌
曰絳衣披拂露盈盈淡染胭脂一朶輕自恨紅顏留不
住不關青帝太無情乃桃花精也

雜著

嗟王母之奇果持實芳兼副既陶煦而夏成又凌寒而
冬就嗟異植芳難拔亦晚枯芳先茂農黃品其味漢帝
嘉其珍林休反畊之牛宅樹司惡之神雖不言芳成蹊

尚克有于魏君

宗年

有東園之珍果兮承陰陽之靈和結

柔根以別樹兮艷長畝以駢羅夏日先熟初進朝堂辛

氏踐秋厥味益長亦有冬桃令伴冰霜放神適意恣口

所嘗華升御于內庭飾佳人之令顏實充虛而療飢兮

信功烈之難原嘉放牛於斯林兮悅萬國之又安望海

島而致慨兮懷度索之靈山何茲樹之獨茂兮條枝紛

而麗閑根龍虬而雲結兮彌千里而屈盤禦百鬼之妖

慝兮列神荼以司奸辟山邪以濟正兮豈惟榮美之足

言

晉傳
玄賦

賦詠祖

五言散句

鸚鵡啄金桃

少陵

王母獻金桃

二桃殺三士

太白

七言散句

十八年來墮世間
瑤池歸夢碧桃閒

李義山

要待花芳見秋實
縹肌細肉薦盤珍

宋景文

九重春色醉仙桃

少陵

雨染烟蒸萬實垂丹砂為骨玉為衣客疑麗水新陶得
人向瓊池舊帶歸只恐壓枝星欲落最憐和蕊露初稀

文與可

七言絕句

金桃兩釘照銀杯一是栽來一買來香味比嘗無兩樣

人情畢竟愛親栽

誠齋
二首

小桃著子可憐渠疎處全疎無處無併綴一梢三十顆

縋枝欲折没人扶

歲歲春風花覆牆摘來紅實亦甘香當時無種瑤池本

却恐河清未得嘗

後村

七言八句

桃李今春勝去春添新換舊却重新冥搜奇特根窠好
料檢團藥樹子勻移處吐花非易事登時著子亦娛人

坡云千載方成蔭請看誠齋別有神

楊誠齋

樂府祖

定風波

牆上天桃蔌蔌紅巧垂飛絮入簾櫳自是芳心貪結子
翻使惜花人恨五更風露萼鮮濃妝臉靚相映隔年
情事此門中粉面不知何處在無奈武陵流水卷春空

賀方
回

卜算子

灼灼一枝桃粉艷天然好只被春風擺撼多顏色凋零
早結子未為遲悔恨隨芳草不下山來不出溪待守

劉郎老

朱希真

鷓鴣天

阿母蟠桃不計春
長沙星裏壽星明
金花羅紙新裁就
貝葉旁行別授經
同太子祝龜齡
天教二老鬢長青
明年今日稱觴處
更有孫枝滿謝庭

張于湖

壺中天

蕊宮仙子愛癡兒
不禁三偷家果棄核成根
傳漢苑依舊風煙難老
養丹砂長留紅臉點透
胭支顚金盤盛處

恍然天上新墮 莫厭對此飛觴
千年一熟異人間梨棗
劉阮塵緣猶未斷
都向花間飛過
爭似蓮枝摘來滿
把鶯嘴平分破
餐霞嚼露鎮長歌
醉蓬島

鄭松
寬

全芳備祖後集卷五